

7. gr.

Höfuðstól sjóðsins má aldrei skerða og árlega skal leggja $\frac{1}{5}$ — einn fimmta — af vöxtum við höfuðstólinn. Að öðru leyti skal vöxtunum varið samkvæmt tilgangi sjóðsins. Sjóðstjórnin ræður þó, að hve miklu leyti vöxtunum er varið í þessum tilgangi ár hvert, eða hvort þeir verði lagðir við höfuðstól, frekar en gert er ráð fyrir hér að framan, eða geymdir til síðari ára til úthlutunar þá.

23

4. marz

8. gr.

Stjórn sjóðsins skal auglýsa með hæfilegum fyrirvara eftir umsóknum um styrk úr sjóðnum, þegar hún ákveður úthlutun, og úthluta síðan þeirri styrkupp-hæð, sem hún vill úthluta hverju sinni, samkvæmt tilgangi sjóðsins og í samræmi við ákvæði skipulagsskrár þessarar. Stjórnin skal þó gæta þess, að hver einstök styrkupp-hæð sé ekki lægri en svo, að hún geti talizt til verulegrar styrktar fyrir þann, sem hana hlýtur. Sama námsmanni má veita styrk oftár en einu sinni, en þó ekki lengur en í þrjú ár.

9. gr.

Reikningsár sjóðsins er almanaksárið. Hið fyrsta reikningsár sjóðsins telst frá stofnun hans til ársloka 1954. Sjóðstjórn ber að færa bók um eignir sjóðsins, tekjur hans og gjöld.

Stjórn sjóðsins semur við lok hvers reikningsárs reikning fyrir sjóðinn, og skal hann síðan staðfestur af löggiltum endurskoðanda. Reikningurinn skal færður í efnahagsbók sjóðsins og birtur í Lögbirtingablaðinu í síðasta lagi fyrir lok febrúarmánaðar ár hvert.

10. gr.

Leita skal staðfestingar forseta Íslands á skipulagsskrá þessari. Skipulags-skránni má ekki breyta, nema stjórnarnefnd sjóðsins og stjórn Verzlunarmanna-félags Reykjavíkur samþykki. Þó má aldrei breyta fyrirmælunum um tilgang sjóðsins.

Reykjavík, 17. febrúar 1954.

Í stjórn Verzlunarmannafélags Reykjavíkur

Guðjón Einarsson. Njáll Símonarson. Pétur Sæmundsen. Gunnl. J. Briem.
Einar Eliásson. Ingvar N. Pálsson. Daníel Gíslason.

REGLUGERÐ

um breyting á reglugerð nr. 11 18. jan. 1947, um innheimtu iðgjalda o. fl.,
samkvæmt lögum nr. 50/1946, um almannatryggingar.

24

5. marz

Ákvæði til bráðabirgða við reglugerðina orðist svo:

Árið 1954 skulu iðgjöld samkv. 107. og 112. gr. tryggingalaga nr. 50/1946, sbr. 26. og 27. gr. laga nr. 38/1953, vera sem hér segir:

1. Iðgjöld hinna tryggðu samkvæmt 107. gr. laga nr. 50/1946:

a. Kvæntir karlar:

Á 1. verðlagssvæði	kr. 718.00
Á 2. —	— 576.00

b. Ókvæntir karlar:

Á 1. verðlagssvæði	— 647.00
Á 2. —	— 521.00

- 24**
5. marz
- c. Ógiftar konur:
- | | |
|--------------------------|------------|
| Á 1. verðlagssvæði | kr. 481.00 |
| Á 2. — | — 387.00 |
2. Iðgjöld atvinnurekenda skv. 112. gr. laga nr. 50/1946, sbr. 26. gr. laga nr. 38/1953:
- | | |
|--------------------------|------------------|
| Á 1. verðlagssvæði | kr. 8.61 á viku. |
| Á 2. — | — 6.47 — — |
- Til loka febrúarmánaðar 1954 skulu iðgjöld samkv. 112. gr. laga nr. 50/1946, vegna lögskráðra sjómanna, vera sem hér segir:
- | | |
|--------------------------|------------------|
| Á 1. verðlagssvæði | kr. 8.61 á viku. |
| Á 2. — | — 6.47 — — |
3. Árið 1954 skal greiða í janúar upp í iðgjöld samkv. 107. gr. eins og þau eru ákveðin í 1. lið hér á undan, sem hér segir:
- Á 1. verðlagssvæði:
- | | |
|---------------------|------------|
| Karlar | kr. 350.00 |
| Ógiftar konur | — 250.00 |
- Á 2. verðlagssvæði:
- | | |
|---------------------|----------|
| Karlar | — 250.00 |
| Ógiftar konur | — 180.00 |
4. Félagsmenn sérsjóða samkv. 133. gr. laga nr. 50/1946, skulu árið 1954 greiða iðgjald sem hér segir:
- Á 1. verðlagssvæði:
- | | |
|-----------------------|------------|
| Kvæntir karlar | kr. 238.00 |
| Ókvæntir karlar | — 203.00 |
| Ógiftar konur | — 147.00 |
- Á 2. verðlagssvæði:
- | | |
|-----------------------|----------|
| Kvæntir karlar | — 186.00 |
| Ókvæntir karlar | — 147.00 |
| Ógiftar konur | — 110.00 |
5. Iðgjöld samkvæmt 107. og 112. gr. og framlög samkv. 114. og 116. gr. laga nr. 50/1946, sbr. 26. gr. laga nr. 38/1953, skulu innheimt með álagi samkv. vísitölu þeirri, sem uppbætur á laun, er ekki fara fram úr kr. 1830.00 á mánuði, miðast við í marzmánuði það ár, sem gjöldin eru á lögð. Iðgjöld vegna lögskráðra sjómanna samkv. 112. gr. laga nr. 50/1946 skulu innheimt með álagi samkv. vísitölu janúarmánaðar, þar til vísitöluálag ársins hefur verið ákveðið.
6. Skirteinagjald samkv. 127. gr. laga nr. 50/1946 ber að greiða með janúargreiðslu iðgjalds og skirteinin eða kvittun því aðeins afhent, að skirteinisgjaldið og janúargreiðslan hafi verið innt af hendi.

Reglugerðarbreyting þessi, sem gerð er samkv. lögum nr. 38/1953, um breyting á lögum nr. 50/1946, um almannatryggingar, og viðauka við þau, gengur í gildi þegar í stað.

Jafnframt eru úr gildi felldar auglýsingar nr. 22 frá 26. febr. 1953 og nr. 8 frá 19. jan. 1954.

Félagsmálaráðuneytið, 5. marz 1954.

Steingrímur Steinþórsson.

Hjálmar Vilhjálmsson.